



Na osnovu člana 18. Poslovnika Centralne izborne komisije Bosne i Hercegovine («Službeni glasnik BiH», br. 29/18 i 25/20), člana 5.15 stav (2) Izbornog zakona Bosne i Hercegovine («Službeni glasnik BiH», br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22) i člana 5. stav (2) Uputstva o postupku žrijebanja političkih subjekata za utvrđivanje redoslijeda na glasačkom listiću broj: 05-1-02-2-625-1/22 od 04.05.2022. godine, Centralna izborna komisija Bosne i Hercegovine je na 62. sjednici, održanoj 21.09.2023. godine, donijela

**ODLUKU**  
**o utvrđivanju redoslijeda političkih subjekata na glasačkom listiću**  
**za prijevremene izbore za načelnika Općine Stari Grad Sarajevo**

**Član 1.**  
**(Redoslijed političkih subjekata)**

(1) Nakon provedene procedure žrijebanja političkih subjekata na dan 20.09.2023. godine, Centralna izborna komisija Bosne i Hercegovine utvrđuje redoslijed političkih subjekata na glasačkom listiću za prijevremene izbore za načelnika Općine Stari Grad Sarajevo.

(2) O žrijebanju političkih subjekata iz stava (1) ovog člana je sačinjen Zapisnik sa održanog postupka žrijebanja za utvrđivanje redoslijeda političkih subjekata na glasačkom listiću broj: 06-1-07-1-999-1/23 od 20.09.2023. godine koji se objavljuje na internet stranici Centralne izborne komisije Bosne i Hercegovine [www.izbori.ba](http://www.izbori.ba) i koji je sastavni dio ove odluke.

**Član 2.**  
**(Stupanje na snagu)**

Ova odluka stupa na snagu danom donošenja i objavit će se dana 21.09.2023. godine na internet stranici Centralne izborne komisije Bosne i Hercegovine [www.izbori.ba](http://www.izbori.ba), i smatrat će se da je danom objavljivanja ista dostavljena svim ovjerenim političkim subjektima iz člana 1. ove odluke.

**PRAVNA POUKA:** Protiv ove odluke, u skladu sa članom 6.2 stav (1) Izbornog zakona Bosne i Hercegovine, a u smislu člana 6. stav (2) Uputstva o postupku žrijebanja političkih subjekata za utvrđivanje redoslijeda na glasačkom listiću, može se podnijeti prigovor Centralnoj izornoj komisiji Bosne i Hercegovine u roku 24 sata od objavljivanja ove odluke.

Prigovor se podnosi putem faks aparata na broj 033/251-329 ili elektronskom poštom na e-mail adresu [kontakt@izbori.ba](mailto:kontakt@izbori.ba).

Broj: 06-1-07-1-999-2/23  
Sarajevo, 21.09.2023. godine



Predsjednik  
*Suad Arnautović*  
Dr. Suad Arnautović



Broj: 06-1-07-1-999-1/2023  
Sarajevo, 20.09.2023. godine

**Zapisnik sa održanog postupka žrijebanja za utvrđivanje redoslijeda političkih subjekata na glasačkom listiću za prijevremene izbore za načelnika Općine Stari Grad Sarajevo**

Centralna izborna komisija BiH je u skladu s članom 5.15 Izbornog zakona BiH („Službeni glasnik BiH“, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22) i Uputstvom o postupku žrijebanja političkih subjekata za utvrđivanje redoslijeda na glasačkom listiću broj: 05-1-02-2-625-1/22 od 04.05.2022. godine, dana 19.04.2022. godine provela postupak žrijebanja za utvrđivanje redoslijeda političkih subjekata na glasačkom listiću za Prijevremene izbore za načelnika Općine Stari Grad Sarajevo.

Postupak žrijebanja je otvoren za javnost, istom su prisustvovali predstavnik političke stranke SDP-SOCIJALDEMOKRATSKE PARTIJE BOSNE I HERCEGOVINE i predstavnik medija Federalne novinske agencije FENA.

Uvodnu riječ i obavještenje o postupku žrijeba održao je predsjednik Centralne izborne komisije BiH dr. Suad Arnautović.

Žrijeb je sprovela stručna služba Sekretarijata Centralne izborne komisije BiH.

Snimanje postupka je izvršeno putem dvije kamere, kako bi se osigurao video-zapis cjelokupnog postupka i zasebno krupnog plana sa nazivima političkih subjekata prema izrijebanom redoslijedu.

Postupak žrijebanja proveden je za ukupno dvije političke stranke koje će se naći na glasačkom listiću.


Provedenim postupkom ručnog žrijebanja, izvlačenjem pojedinačnih kuglica sa nazivima političkih subjekata, utvrđen je sljedeći redoslijed političkih subjekata na glasačkom listiću:

R/B	KOD	NAZIV POLITIČKOG SUBJEKTA
1	00008	SDP-SOCIJALDEMOKRATSKA PARTIJA BOSNE I HERCEGOVINE
2	00090	SDA-STRANKA DEMOKRATSKE AKCIJE

Postupak žrijebanja je počeo u 11 sati, a završio u 11,07 sati.

Zapisnik sačinio:

Damir Avdibegović



Predsjednik

Dr. Suad Arnautović